

Iertia gestum sit: Sed illos in hac parte
sequi malui, qui ad propositum meum
pertinentem historiam tradebant.

PATER QVIDAM.

Præcipitis quondam & periculosis exi-
tus amore filij deprehenso pater an-
xius, cum aperta via reuocare eum posse
diffideret, nouo genere solertiæ mansue-
ti patris cautiique consultoris officium
impleuit, & quæso, inquit, fili pro salute
tua, ut quotiens amicā aditurus es, com-
munem prius & concessam Venerem ex-
periare: quod cum ille non abnueret, at-
que idē semi exarmatus obtusaque ve-
lut acie libidinis, ad eam quam afflictim
diligebat saepius accessisset, sensim laxa-
to pectore saniora consilia recepit: Et
quod alienis monitis nunquam fecisset,
per seipsum amoris flamas rabiemque
compescuit.

M. VOLVSIUS ET SATVR-
NINVS.

Deo in simili, immò in eodem gene-
re periculi longe diuersa, seu verius
aduersa calliditatis exempla proferan-
tur: Alter enim M. Volusius, cum ædili-
tatem plebis ageret, à Triumuiris se pro-
scriptum audiens: Abiectis insignibus